

20 მარტი 2015 წელი

ქალაქი ქუთაისი

ერთის მხრივ, ქალაქ ქუთაისის მუნიციპალიტეტის მერია, (შემდგომში „შემსყიდველი“) ქალაქ ქუთაისის მუნიციპალიტეტის მერის პირველი მოადგილის ნოდარ მიქიაშვილის სახით. (მისამართი: 4600, ქალაქი ქუთაისი, შ. რუსთაველის გამზ. №3, ტელ: 24-10-24).

მეორეს მხრივ, შ.პ.ს. „სამართლებრივი ანალიზისა და ექსპერტიზის ცენტრი“, (შემდგომში „მიმწოდებელი“) მისი დირექტორის ნინო მუმლაძის სახით (მისამართი: ქ. ქუთაისი, თამარ მეფის ქ. №53, ტელ: 598 51 91 78; 0(431) 25 06 56), „სახელმწიფო შესყიდვების შესახებ“ საქართველოს კანონმდებლობისა და მიმწოდებლის საკონკურსო წინადადების საფუძველზე, (საკონკურსო განაცხადი №1521. 10.03.2015 წ.) დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) – შემსყიდველ ორგანიზაციასა და კონკურსში გამარჯვებულ კონკურსანტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 “მიმწოდებელი” ნიშნავს პირს, რომელმაც მოიპოვა გამარჯვება კონკურსში და ახორციელებს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს;
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7 „ტექნიკური დოკუმენტაცია“ – მიმწოდებლის მიერ (საკონკურსო განაცხადი №1521) საკონკურსო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

### 2. ხელშეკრულების საგანი

- 2.1 ქალაქ ქუთაისში დ. აღმაშენებლის გამზირზე ფოლკლორის სასახლესთან, ფალიაშვილის ქუჩაზე ბავშვთა სამყაროსთან, დ. აღმაშენებლის გამზირისა და გ. ტაბიძის ქუჩის გადაკვეთაზე, ზ. გამსახურდიასა და გუგუნავას ქუჩების გადაკვეთაზე, წერეთლისა და მანდარიას ქუჩების გადაკვეთაზე, ირ. აბაშიძისა და გამზირისა და შარტავას ქუჩის გადაკვეთაზე, ავტომშენებლისა და ბუკიას ქუჩების გადაკვეთაზე, ნიკეას და ლომოურის ქუჩების გადაკვეთაზე შუქნიშნების მოწყობის საპროექტო-სახარჯთაღრიცხვო დოკუმენტაციის შედგენა.
- 2.2 ხელშეკრულებით გათვალისწინებული მომსახურების აღწერა მოცემულია ტექნიკურ დოკუმენტაციაში (ფასების ცხრილი).

### 3. ხელშეკრულების ღირებულება

- 3.1 შესასრულებელი მომსახურების ჯამური ღირებულება შეადგენს 6960 (ექვსი ათას ცხრაას სამოცი) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს, მათ შორის საქართველოს კანონმდებლობით გათვალისწინებულ ყველა გადასახადს.

### 4. ხელშეკრულების შესრულების კონტროლი

- 4.1 ხელშეკრულებით გათვალისწინებული პირობების შესრულების კონტროლი განახორციელდება ქალაქ ქუთაისის მუნიციპალიტეტის მერიის შესაბამისი უფლებამოსილი სტრუქტურული ერთეულის მიერ.
- 4.2 კონტროლი გულისხმობს „მიმწოდებელი“-ს მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის შემოწმებას.
- 4.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

ნ. მეტეაძე

## 5. მომსახურების გაწევის პირობები და ვადები

- 5.1 „მიმწოდებელი ვალდებულია ვალდებულია მომსახურების გაწევა განხორციელოს ხელშეკრულების დადებიდან 20 (ოცი) კალენდარული დღის განმავლობაში, 2015 წლის 8 აპრილის ჩათვლით.
- 5.2 „მიმწოდებელი“ ვალდებულია საპროექტო-სახარჯთაღრიცხვო დოკუმენტაცია წარმოადგინოს 4 (ოთხი) ეგზემპლარად ფერად ტონებში, რომლებსაც თან უნდა დაერთოს ელექტრონული ვერსია. ამასთან კონკურსანტმა დამატებით უნდა წარმოადგინოს საპროექტო-სახარჯთაღრიცხვო დოკუმენტაცია PDF ფორმატში, რომლის ერთი ფაილის მოცულობა არ უნდა აღემატებოდეს 8 მგბ-ს.

## 6. შესყიდვის ობიექტის მიღება-ჩაბარების წესი

- 6.1 „მიმწოდებელი“-ს მიერ შესყიდვის ობიექტი მიღებულად ჩაითვლება მხოლოდ გაწეული მომსახურების მიღება-ჩაბარების აქტის ფაქტიური დადასტურების შემდეგ.
- 6.2 ფაქტიურად შესყიდვის ობიექტის დამტკიცებას ქალაქ ქუთაისის მუნიციპალიტეტის მერიის შესაბამისი უფლებამოსილი სტრუქტურული ერთეულის დადასტურების საფუძველზე ახორციელებს ქალაქ ქუთაისის მუნიციპალიტეტის მერის პირველი მოადგილე.

## 7. ანგარიშსწორება



- 7.1 ანგარიშსწორება განხორციელდება „მიმწოდებელი“-ს წერილობითი მომართვის საფუძველზე;
- 7.2 „მიმწოდებელი“-ს წერილობით მომართვას ანგარიშსწორების თაობაზე უნდა დაერთოს:
- ა) ფაქტიურად გაწეული მომსახურების დასახელება და ღირებულება,
  - ბ) მომსახურების გაწევის შესაბამისად ამოწერილი დ.ღ.გ.-ს ანგარიშფაქტურა,
  - გ) შესრულებული მომსახურების მიღება-ჩაბარების აქტი.
- 7.3 გაწეული მომსახურების ანგარიშსწორება „მიმწოდებელთან“ განხორციელდება უნაღლო ანგარიშსწორებით, ლარებში.
- 7.4 ანგარიშსწორება განხორციელდება გაწეული მომსახურების დადასტურებიდან 20 (ოცი) სამუშაო დღის განმავლობაში.

## 8. ხელშეკრულებაში ცვლილებების შეტანა

- 8.1 ხელშეკრულების დამდებ არც ერთ მხარეს არა აქვს უფლება შეიტანოს მომსახურების პირობებში ცვლილებები მეორე მხარესთან შეთანხმების გარეშე.
- 8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 8.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 9. მხარეთა უფლება-მოვალეობები

- 9.1 „შემსყიდველი“ უფლებამოსილია:
- გასაწევი მომსახურების დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია;
- 9.2 „შემსყიდველი“ ვალდებულია:
- უზრუნველყოს „მიმწოდებელი“-ს მიერ გაწეული მომსახურების ანაზღაურება ხელშეკრულებით გათვალისწინებული ვადების და პირობების დაცვით;
- 9.3 „მიმწოდებელი“ უფლებამოსილია:
- 9.3.1 მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 9.4 „მიმწოდებელი“ ვალდებულია:
- 9.4.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები,
- 9.4.2 განახორციელოს დამუშავებული ტექნიკური დოკუმენტაციის საავტორო ზედამხედველობა.

 ხ. მუხტაძე 

### 10. ხელშეკრულების პირობების შეუსრულებლობა

10.1 დაუძლეველი ძალის გარდა „მიმწოდებელი“-ს მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები:

- ხელშეკრულების თვითნებურად შეწყვეტის შემთხვევაში „მიმწოდებელი“ გადაიხდის 2000 (ორათასი) ლარს.

10.2 ხელშეკრულებით გათვალისწინებული პირობების დაგვიანებით შესრულებისათვის ყოველ ვადაგადაცილებულ დღეზე ხელშეკრულების ჯამური ღირებულების 0.1%-ს.

10.3 იმ შემთხვევაში თუ საჯარიმო სანქციების ჯამური თანხა გადააჭარბებს ხელშეკრულების ღირებულების 3%-ს, „შემსყიდველს“ უფლება აქვს შეწყვიტოს ხელშეკრულება.

10.4 ხელშეკრულების პირობების შეუსრულებლობისათვის, „მიმწოდებელი“-ს დაჯარიმების შემთხვევაში, „შემსყიდველი“ იტოვებს უფლებას ფაქტიურად გაწეული მომსახურების ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

10.5 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისადმი.

### 11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება დაუყოვნებლივ უნდა მიეწოდოს მეორე მხარეს.

11.3 ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან.

### 12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

### 13. გადასახადები და დაბეგვრა

13.1 ადგილობრივი „მიმწოდებელი“ პასუხს აგებს საქართველოს კანონმდებლობით დადგენილი გადასახადის, მოსაკრებლების და სხვა გადასახდელების გადახდაზე.

### 14. ხელშეკრულების მოქმედების ვადა

14.1 წინამდებარე ხელშეკრულების ძალაში შედის ხელშეკრულების თავში მითითებული თარიღიდან და მოქმედებს 2015 წლის 8 მაისის ჩათვლით.

14.2 ხელშეკრულება შედგენილია სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. 1 (ერთი) პირი „მიმწოდებელთან“ და 2 (ორი) პირი „შემსყიდველთან“.

### 15. მხარეთა რეკვიზიტები და ხელმოწერები

#### შემსყიდველი:

ქალაქ ქუთაისის მუნიციპალიტეტის მერია  
მის: ქ. ქუთაისი, რუსთაველის გამზ. №3  
მიმღები: ხაზინის ერთიანი ანგარიში  
ქ. თბილისი, „სახელმწიფო ხაზინა“  
ბ/კოდი: FRESGE22  
ს/კოდი: 212721170  
ქალაქ ქუთაისის მუნიციპალიტეტის  
მერის პირველი მოადგილე

ნოდარ მიქიაშვილი

#### მიმწოდებელი:

შ.პ.ს. „სამართლებრივი ანალიზისა და ექსპერტიზის ცენტრი“  
მისამართი: ქ. ქუთაისი, თამარ მეფის ქ. №53  
ს.ს „პრივატ ბანკი“  
ბ/კოდი: GAVOGE22  
ა/ა GE39TP0036080020001909  
ს/კ 412674921  
შ.პ.ს. „სამართლებრივი ანალიზისა და ექსპერტიზის ცენტრი“  
დირექტორი

ნინო მუმლაძე

## ტექნიკური დოკუმენტაცია

### შესყიდვის ობიექტს წარმოადგენს:

ქალაქ ქუთაისში დ. აღმაშენებლის გამზირზე ფოლკლორის სასახლესთან, ფალიაშვილის ქუჩაზე ბავშვთა სამყაროსთან, დ. აღმაშენებლის გამზირისა და გ. ტაბიძის ქუჩის გადაკვეთაზე, ზ. გამსახურდიასა და გუგუნავას ქუჩების გადაკვეთაზე, წერეთლისა და მანდარიას ქუჩების გადაკვეთაზე, ირ. აბაშიძისა გამზირისა და შარტავას ქუჩის გადაკვეთაზე, ავტომშენებლისა და ბუკიას ქუჩების გადაკვეთაზე, ნიკვას და ლომოურის ქუჩების გადაკვეთაზე შუქნიშნების მოწყობის საპროექტო-სახარჯთაღრიცხვო დოკუმენტაციის შედგენა

### დასაპროექტებელი ობიექტის

#### ფასების ცხრილი

№	ობიექტის დასახელება	ღირებულება (ლარი)დღგ-ს ჩათვლით
1	დ. აღმაშენებლის გამზირზე ფოლკლორის სასახლესთან	870 ლარი
2	ფალიაშვილის ქუჩაზე ბავშვთა სამყაროსთან	870 ლარი
3	დ. აღმაშენებლის გამზირისა და გ. ტაბიძის ქუჩის გადაკვეთაზე	870 ლარი
4	ზ. გამსახურდიასა და გუგუნავას ქუჩების გადაკვეთაზე	870 ლარი
5	წერეთლისა და მანდარიას ქუჩების გადაკვეთაზე	870 ლარი
6	ირ. აბაშიძისა გამზირისა და შარტავას ქუჩის გადაკვეთაზე	870 ლარი
7	ავტომშენებლისა და ბუკიას ქუჩების გადაკვეთაზე	870 ლარი
8	ნიკვას და ლომოურის ქუჩების გადაკვეთაზე	870 ლარი
	ჯამი	6960 ლარი დღგ-ს ჩათვლით

### დავალება დასაპროექტებელ ობიექტებზე

ობიექტის განთავსების ადგილი	ქ. ქუთაისის ადმინისტრაციული ერთეულები.
ძირითადი მოთხოვნები	შუქნიშნების დგარების ახალი კონსტრუქციების შემუშავება არსებული შუქნიშნის სექციების დამონტაჟებით, შუქნიშნების რეჟიმების გათვლა სატრანსპორტო საშუალებების ნაკადებიდან გამომდინარე, საგზაო ნიშნებისა და მონიშვნითი სამუშაოების გაანგარიშება, კვების წყაროების კონსტრუქცია.

მოთხოვნები მიწისქვეშა არსებული კომუნიკაციების შესწავლაზე	სამუშაო პერიმეტრზე არსებული მიწისქვეშა საინჟინრო კომუნიკაციების შესწავლა, საჭიროების შემთხვევაში მათი შეკეთება-გამოცვლის სამუშაოების გათვალისწინება (ნიაღვარსადენი, კანალიზაცია)
სხვა დამატებითი პირობები	საჭიროების შემთხვევაში პროექტი შეთანხმდეს მიწისქვეშა საინჟინრო კომუნიკაციების (წყალკანალი, ენერგო პრო, კავშირგაბმულობისა და გაზის) შესაბამის სამსახურებთან
მშენებლობის ღირებულების განსაზღვრა	მშენებლობის ღირებულება გაანგარიშებული იქნას მოქმედი სამშენებლო ნორმების შესაბამისად
მშენებლობის ორგანიზაციის პროექტის დამუშავება	დგარებისა და შუქნიშნის სექციების განლაგებისა და მდებარეობის მუშა ნახაზების შედგენა, სამშენებლო სამუშაოების უწყისების შედგენა, სამუშაოთა წარმოების კალენდარული გრაფიკი, გრძივი და განივი როფილების ნიშნულებით და ზომებით (ГОСТ 21,511-83, СНиП VI-2-82 და სხვა ნორმები)
საპროექტო-სახარჯთაღრიცხვო დოკუმენტაცია	დოკუმენტაცია შესრულდეს ოთხ ეგზემპლარად ფერად ტონებში, ელექტრონული ვერსია მოწოდებული იქნას dwg, pln და pdf ფაილებით ოთხ ეგზემპლარად და გადაიგზავნოს ელექტრონულ ფოსტაზე kutaissinfrastruktura@gmail.com

აღნიშნულ საპროექტო-სახარჯთაღრიცხვო დოკუმენტაციის შედგენას განვახორციელებთ ხელშეკრულების დადებიდან 20 (ოცი) კალენდარულ დღეში.

იმ შემთხვევაში, თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გათვალისწინებული დამატებითი სამუშაოების შესრულების აუცილებლობა, ამ დამატებით საპროექტო-სახარჯთაღრიცხვო დოკუმენტაციის შედგენას განვახორციელებთ ანაზღაურების გარეშე.

პროექტირების პერიოდში საპროექტო დავალებით გაუთვალისწინებელი სამუშაოების დაპროექტების საკითხი ზეპირი სახით შეთანხმდება შემსყიდველთან.

შპს „სამართლებრივი ანალიზისა

და ექსპერტიზის ცენტრის” დირექტორი:  ნინო მუმლაძე/